



কেন্দ্রীয় মন্ত্রিসভা

# মহাকাশের শান্তিপূর্ণ ব্যবহারের ক্ষেত্রে সহযোগিতায় ভারত ও বাংলাদেশের মধ্যে মউ নিয়ে অবহিতকরল করল কেন্দ্রীয় মন্ত্রিসভা প্রধানমন্ত্রী শ্রী নরেন্দ্র মোদির পৌরহিত্যে কেন্দ্রীয় মন্ত্রিসভা মহাকাশের শান্তিপূর্ণ ব্যবহারের ক্ষেত্রে ভারত ও বাংলাদেশের মধ্যে সমঝোতা স্মারক (মউ) নিয়ে অবহিত

Posted On: 24 MAY 2017 1:14PM by PIB Kolkata

প্রধানমন্ত্রী শ্রী নরেন্দ্র মোদির পৌরহিত্যে কেন্দ্রীয় মন্ত্রিসভা মহাকাশের শান্তিপূর্ণ ব্যবহারের ক্ষেত্রে ভারত ও বাংলাদেশের মধ্যে সমঝোতা স্মারক (মউ) নিয়ে অবহিত করল। এই মউটি ২০১৭ সালের এপ্রিল মাসে নয়া দিল্লিতে স্বাক্ষরিত হয়েছিল।

এই মউ মহাকাশ বিজ্ঞান, প্রযুক্তি এবং রিমোট সেন্সিং অফ দ্য আর্থ, উপগ্রহ যোগাযোগ, উপগ্রহ নির্ভর ন্যাভিগেশন, মহাকাশ বিজ্ঞান ও গ্রহ অনুসন্ধান, মহাকাশ যান ও স্পেস সিস্টেম ও গ্রাউন্ড সিস্টেমের ব্যবহার এবং মহাকাশ প্রযুক্তির ব্যবহার ইত্যাদি বিভিন্ন ক্ষেত্রে সহযোগিতায় সক্ষম করবে।

এই মউ-এ মাধ্যমে একটি জয়েন্ট ওয়ার্কিং গ্রুপ গঠিত হবে। যার সদস্য হবেন মহাকাশ বিভাগ/ভারতীয় মহাকাশ গবেষণা সংস্থা (ডি.ও.এস./ইসরো) এবং বাংলাদেশ টেলিকম রেগুলেটরি কমিশন (বি.টি.আর.সি.) থেকে। যে গ্রুপ এই মউ-এর সময়সীমা ও রূপায়ণের উপায় সহ অন্যান্য কর্ম পরিকল্পনা তৈরি করবে।

এই মউ নতুন গবেষণা কার্যক্রম অন্বেষণ এবং রিমোট সেন্সিং অফ দ্য আর্থ, উপগ্রহ যোগাযোগ, উপগ্রহ নির্ভর ন্যাভিগেশন, মহাকাশ বিজ্ঞান ও মহাকাশ অনুসন্ধানের ক্ষেত্রে ব্যবহার সম্ভাবনায় বিশেষ অনুপ্রেরণা যোগাবে।

সংশ্লিষ্ট নির্বাহী সংস্থার দ্বারা জাতীয় নিয়ম-নীতির যথাযথ মূল্যে বিবেচনার সঙ্গে দুই দেশের বাজেট বরাদ্দের ব্যবস্থাপনা এবং উপলব্ধ সম্পদসীমার মধ্যে এই মউ-এর কাজের ক্ষেত্রে অর্থের যোগান হবে। এই মউ-এর অধীনে করা যৌথ প্রকল্প ও কাজ যা এর প্রকার ও ক্ষেত্রের ওপর নির্ভরশীল, তা হবে অ-বাণিজ্যিক অথবা বাণিজ্যিক ভিত্তিতে এবং তা পারস্পরিক অর্থপ্রদান ছাড়া অথবা ক্ষতিপূরণমূলক ব্যবস্থার চুক্তির ওপর ভিত্তি করে হবে।

মানব সভ্যতার মঙ্গলের জন্য মহাকাশ প্রযুক্তির ব্যবহারের ক্ষেত্রে এই মউ একটি যৌথ কর্মকাণ্ডকে বিকশিত করবে। এর ফলে দেশের সমস্ত অংশ ও অঞ্চল উপকৃত হবে।

ভারত ও বাংলাদেশ মহাকাশ ক্ষেত্রে একে অপরকে সহযোগিতা করার জন্য আগ্রহ প্রকাশ করেছিল। সে অনুযায়ী মহাকাশ ক্ষেত্রে সহযোগিতার জন্য একটি মউ-এর পরিকাঠামোর মানদণ্ড সরকারি পর্যায়ে আরও প্রক্রিয়াকরণের জন্য বাংলাদেশে নিযুক্ত ভারতীয় হাই কমিশন এবং বিদেশ মন্ত্রকের কাছে ২০১৬ সালের আগস্ট মাসে পাঠানো হয়। বাংলাদেশের পক্ষ যা নিয়ে ২০১৬ সালের ডিসেম্বর মাসে তাদের সম্মতি জানায়। পরবর্তীতে মহাকাশের শান্তিপূর্ণ ব্যবহারের ক্ষেত্রে সহযোগিতার জন্য ভারত ও বাংলাদেশের মধ্যে একটি মউ ২০১৭ সালের ৮ এপ্রিল নয়া দিল্লিতে স্বাক্ষর হয়।

(Release ID: 1490881) Visitor Counter : 3

## Background release reference

মউ মহাকাশ বিজ্ঞান, প্রযুক্তি এবং রিমোট সেন্সিং অফ দ্য আর্থ, উপগ্রহ যোগাযোগ, উপগ্রহ নির্ভর ন্যাভিগেশন, মহাকাশ বিজ্ঞান ও গ্রহ অনুসন্ধান, মহাকাশ যান ও স্পেস সিস্টেম ও গ্রাউন্ড সিস্টেমের ব্যবহার

